

tremendum mysterium non sine timore et horrore perficiendum appropinquas. Humilia te igitur quantum potes, et recordare quid acciderit Ozae; tum ea Christi verba tibi ad aurem dici existima: *Ecce appropinquit hora, et Filius hominis tradetur in manus peccatoris.* Considera te hic Christi personam gerere, totumque hominem internum et externum ad eius maiestatem et sanctitatem compone; et cura ne quid sit in te dissonum à persona quam sustines.

Haec verba, *Qui pridie quām pateretur,* proferuntur historicè et recitatè, ut inspicias et facias secundùm exemplar quod tibi à Christo Domino monstratum est. Cū dicis: *Accepit panem in sanctas ac venerabiles manus suas,* considerabis quām purae debeant esse manus, quae tantum pignus attrahant, et hinc disces hoc opus esse divinae omnipotentiae. Cū oculos in coelum elevas, illuc transferes universas animae vires et cogitationes. Cū dicis: *Gratias agens,* gratias item ages ob huius sanctissimi Sacramenti institutionem. Verba consecrationis prolatus, considera te ea formaliter et enuntiativè proferre in persona Christi. Ipsi autem prolati, penetra oculis fidei id quod latet sub speciebus sacramentalibus: tum genua flectens, aspice iisdem oculis fidei exercitum Angelorum te circumdantem, et cum illis adeo profundè reverentiā Christum adora, ut cor tuum usque ad abyssum humilis. Ad elevationem, Christum in cruce exaltatum contemplare, et ora, ut omnia trahat ad se ipsum. Varios etiam virtutum actus, eosque intensissimos elicies, nunc hos, nunc illos, fidei, spei, amoris, adorationis, humilitatis, et simillimum, mente dicendo: *Iesu, Fili Dei, miserere mei, Dominus meus et Deus meus. Amo te, Deus meus, et adoro toto corde et affectu.* Poteris etiam renovare intentionem pro quo celebras, et sacrum offerre secundùm quatuor fines. Specialiter verò cū calicem elevas, memor eris cum sensu doloris et lacrymis sanguinem Christi pro te effusum fuisse, et à te saepe contemptum; ipsumque adorabis veluti in compensationem praeteritorum contemptuum. Sanctus Petrus martyr in calicis elevatione gratiam petebat marty-

rii, et obtinuit; tu adversitatum incruentum martyrium postulabis.

Ad illa verba, *Haec quotiescumque feceritis,* passionis et mortis Christi recordaberis, quam consecratio panis à consecratione vini seiuncta repreäsentat. Et quia peracta consecratione, statim adsunt sancti Angeli, et perseverant venerabundi, donec sacrificium sit consummatum, tu horum reverentiam aemulare. Nam si coelum est ubi est Deus, coelum sine dubio efficitur sacrum altare in quo tantum peragis mysterium, tuque admirabili summi boni participatione quodammodo deficitaris. Quoties verò hostiam tanges aut calicem, Christum complectere, et cordi tuo astringe omni possibili amoris affectu.

Post consecrationem sequitur oratio, *Unde et memores,* quā Christi passionem, resurrectionem et gloriosam ascensionem commemoras, quibus mysteriis excitatur fides, spes roboratur. Sperare enim debes per meritam beatæ passionis, è qua omnis beatitudo nostra promanat, te aliquando participem futurum resurrectionis, et ascensionis in coelum, ac gloriae sempiternae. Nec nudam solummodo affers mysteriorum commemorationem, sed simul cum hostia pura, sancta et immaculata, corpore scilicet et sanguine Christi; licet enim propter species sacramentales panem adhuc nomines, non tam panem qui prius erat, sed *panem vitae aeternae, et calicem salutis perpetuae.* Elicies autem actus gaudii propter Christi glorificationem; et cū dicis: *Supra quae propitio ac sereno vultu, offeres Deo omnia antiqua sacrificia.*

Cū inclinatus Deum rogas ut sacrificium perferri iubeat in sublime altare suum per manus sancti Angeli sui, ad summam interiorem humilitatem te excitabis, et ipsos beatissimos spiritus orabis, ac nominatim sanctum Michælēm, ut opem tibi ferant. Cū dicis: *Omni benedictione et gratiā repleamur,* ingens desiderium elicies consequendi ex meritis Christi omnia possibilia dona, quibus maximè possis Deum glorificare. In *Memento mortuorum,* orabis primò pro consanguineis;

tum pro eis qui tibi causa fuerunt alicuius crucis, seu molestiae; deinde pro benefactoribus; postea pro aliquo recenter mortuo, aut specialiter commendato; demum pro iis qui neminem habent cuius suffragii nominatim iuuentur.

In illa oratione, *Nobis quoque peccatoribus*, agnosce te peccatorem esse circumdatum infirmitate, et time; licet enim nihil tibi conscius sis, non tamen in hoc iustificatus es. Spem igitur erige ob multitudinem miserationum Dei, et magno animi ardore partem aliquam et societatem cum Sanctis tibi donari humillimè pete, atque in eorum consortium admitti, optando eximiā vitae sanctitatem pro maiori Dei gloria, in Christo Iesu Domino nostro. *Per quem*, ais consequenter, *haec omnia*, Domine, semper bona, panem scilicet et vinum, *creas*, quia per ipsum omnia facta sunt; *sacrificas*, cum in prima oblatione sacrificio sunt destinata; *vivificas*, mediante transubstantiatione; *benedicis*, quia per haec Sacra menta copiosam acquirimus gratiam; *et praestas nobis*, in cibum et redemptionem. Porro haec verba valde ferventer pronuntiabis, itemque sequentia, quia per Christum, cum Christo et in Christo est *Deo Patri omnipotenti omnis honor et gloria*. Hic autem gratulari poteris toti sanctissimae Trinitati gloriam quam habet per Christum; et dum tenes hostiam super calicem, offeres sanctissimam Eucharistiam, quam sub utraque specie in manibus habes, in laudem et gloriam Dei, pro omnibus beneficiis, in expiationem culparum, et pro omnium honorum impetracione.

#### § IX. De Oratione Dominica usque ad Communionem.

Absoluto Canone, iam te ad Communionem præparare debes, facto initio ab Oratione Dominica, quam cum tremore et filiali erga Deum affectu recitabis, oculis in Sacramentum intentis, quia Christus simul cum Patre preces tuas audit et exaudit. Septem sunt eius petitiones, in quibus summatim continentur res omnes à Deo petendae, et pro quarum impetratione hoc sacrificium offertur. In prima petitione desiderium excitabis eximiae

tuæ et aliorum sanctitatis, ut gloria Dei augeatur, ut ab omnibus ametur et timeatur, eiusque sanctitas, bonitas, sapientia ubique innotescat. In secunda, optabis Deum in tua et caeterorum voluntate regnare, simulque petes ad regnum illius feliciter pervenire. In tertia, rogabis ut omnes homines sic Deo serviant et obedient in terris, sicut ei ab Angelis servitur in coelis, nunquam peccando, et quae illi grata sunt semper ferventissimè faciendo. In quarta, panem tuum *supersubstantiale*, corpus nempè Domini, panem Verbi divini, necnon omnia necessaria pro victu, vestitu caeterisque temporalibus postulabis. In quinto, imploratè Dei liberalitate pro alimentis, eiusdem clementiam pro remissione peccatorum deprecaberis, elicio actu contritionis, et sincerae dilectionis omnium inimicorum et aliorum qui tibi causa fuerunt alicuius molestiae, purè illos amando propter Deum. In sexta, diffidens de propriis viribus, et timens malitiam et inconstantiam tuam, petes à Deo ut te præservet à tentationibus, ne fortè in eas inductus, ab eius gratia et amicitia excidas. In septima, à malis culpae et poenae liberari precaberis, atque ab omnibus adversitatibus quas diabolus et mundus contrá te moluntur.

Haec postrema petitio fusiùs explicatur in sequenti oratione, *Libera nos, quaesumus Domine*, in qua mala enumerantur à quibus postulas liberari, præterita scilicet, praesentia et futura. Mala autem præterita sunt peccata de quibus scriptum est: *Fili, peccasti! Ne adiicias iterum, sed de pristinis deprecare, ut tibi dimittantur*. Praesentia sunt quotidiana peccata, et aliae calamitates. Futura sunt tentationes et aliae imminentes miseriae quae sine speciali Dei adiutorio evitari non possunt. Ad haec impetranda opem flagitas beatæ Virginis, sanctorumque apostolorum Petri, Pauli et Andreæ, et omnium Sanctorum: et signans te signo crucis, pacem petis quam Christus nobis suà passione promeruit.

Sequitur fractio hostiae in tres partes, quarum unam dum calici immittis, intimam cum Deo unionem postulabis. Pacem populo annuntians, triplicem cunctis pa-

cem desiderabis : pacem scilicet uniuscuiusque cum Deo, quae in eius gratia et amicitia consistit; pacem cum seipso, quae in concordia appetitus cum recta ratione sita est, ut quod ista dictat, ille exequatur; pacem cum proximo suo, ut nemo alteri praebeat offensae occasionem , sed omnes potius christiana caritatis officii sibi deviciat.

Ad primum *Agnus Dei*, elicto actu fidei erga Christum ibi praesentem , qui est verè *Agnus Dei* pro nobis in cruce immolatus, liberari et praeservari petes ab omnibus miseriis spiritualibus, quales sunt habitus pravi, tepiditas in obsequio Dei , inconstantia in benè coepitis. Ad secundum , liberari item et preservari petes à miseriis temporalibus , à peste, fame, bello, morbis et persecutionibus, quatenus à servitio et cultu pacifico Dei nos impediunt. Ad tertium , pacem postulabis, quam parit bona conscientia , dominium sui , omniumque rerum creatarum contemptus.

#### § X. De Communione.

Rectè Psalmographus de Domino loquens, dixit: *Et factus est in pace locus eius*; et Apostolus etiam ait: *Pacem habete, et Deus pacis et dilectionis erit vobis*cum. Non ergo mirari debes, si saepius repetit imploratione, docet Ecclesia proximè ante Communionem, pacem à Deo petere, quae et omnia bona in se complectitur, et dignum Altissimo praeparat habitaculum. Hanc petitionem continet prima ex tribus orationibus quae Communioni praemittuntur; post quam in secunda remissionem postulas peccatorum et donum perseverantiae. Tertia verò timorem in te excitat, ne Panis vitae et potus aeternae salutis proveniat tibi in iudicium et condemnationem: sed mox fiduciam concipies, sperans ut meritis Christi tibi prosit ad tutamentum mentis et corporis , et ad medelam percipiendam. Tum genuflexus Deum adorabis, ardentissimum concipiens desiderium ipsum in Sacramento suscipiendo, cùm versiculum illum profers: *Panem coelestem accipiam, et nomen Domini invocabo.*

Cùm dicis, *Domine, non sum dignus*, confitere indignitatem tuam, sed simul agnoscere Dei omnipotentiam et misericordiam sequentibus verbis, *Sed tantum dic verbo, et sanabitur anima mea*. Te autem indignum fateberis, primò , propter peccata tua; secundò , ob vilitatem naturae tue; tertiò , quia ex te nihil es, nihil habes, nihil potes.

Ante Communionem subsiste aliquantulum<sup>1</sup>, et praecipuarum virtutum, humilitatis, fidei, spei, caritatis, contritionis, abnegationis et adorationis actus breviter elice, quos sequenti vel simili modo formabis. Quamvis autem longiusculi videantur, si tamen memoriae bene impressos habueris, fient tibi ex ipso usu et agilitate à Deo tributa adeo familiares, ut quasi in instanti eos mente depromas.

*Ita est, Domine Iesu, indignissimus sum, quia omnibus peccatoribus, et ipsis damnatis deterior sum, indignus omni bono, et dignus omni malo. Fretus tamen pietate et misericordia tuā infinitā, te sumere praesumo. Credo, Domine, quidquid credit à te edocta sancta Romana Ecclesia; et quidquid illa damnat, ego pariter damno et anathematizo. Spero à te, et peto omnia auxilia necessaria pro consequenda mea perfectione et salute aeterna, tuis infinitis meritis, et Sanctorum tuorum opitulatione ac communioni innixus. Gaudeo et exulto de omni bono et gloria tua, eiusque propagationem quam maximam desidero. Omnia peccata mea quantum possum detestor propter te, paratus pro iis plenissimè in hac vita satisfacere, ut anima mea purissimum tuae Maiestatis habitaculum semper sit. Parco omnibus qui me aliquā molestiā affecerunt, aut dein-*

<sup>1</sup> Haec è Tractatu card. Bona deprompta sunt. Sed autores plurimi, qui de Rubricis scitè scripserunt, negant tales actus eliciendos esse; hoc nixi fundamento, quod nulli actus privatae devotionis debeat permisceri cum publicis religionis actibus, nisi ubi permittuntur. In Rubricis verò, meditatio praescribitur tantum post communionem, non ante. (Vide Merati, in Rub. Miss. p. 2, t. 10, 4).

*ceps afficent, et eos propter te sincè amo. Offero me ad omnia mala poenae iuxta benefacitum tuum toleranda, renuntians voluntati, iudicio, amori proprio, ac libertati, neque tibi resignans cum omnimoda indiferentia. Te denique summum bonum meum suppliciter adoro, et precor per illam amaritudinem quam sustinuisti pro me in cruce, maximè in illa hora quando anima tua egressa est de corpore tuo, ut miserearis animae meae in egressu suo.*

Haec postrema verba addita sunt, ut impetres bonam mortem; et cùm ea dicis, Christi corpus sumere intedes per modum Viatici, si ipsa die te mori contingat.

Sumpturus sanguinem, considera te nihil habere quo dignè possis pro Christi corpore quod sumpsisti gratias agere; et ideo paris valoris sanguinem offerens, dices magno spiru verba illa: *Quid retribuam Domino, cum sequentibus orationibus quae, sumpto sanguine, dici debent.*

Quia verò post Communionem aliqua mora intercedit, dum abluitur calix, complicatur corporale, extenditur velum, cā durante, eos affectus breviter et ferventer elicies, qui magnis principibus exhiberi solent, cùm aliquis domum dignantur invisere. 1.<sup>o</sup> Itaque tantum hospitem adorabis in eius divinitate et humanitate. 2.<sup>o</sup> Gratias ages, quòd ad te tam indignum venire dignatus sit, et pro aliis beneficiis generalibus et particularibus. 3.<sup>o</sup> Splendidè eum tractabis, praebendo illi omnia quae à te desiderat, detestando scilicet omnia peccata, renovando vota et bona proposita, proponendo ab iis abstinerre quae illi displicant, et facere semper quod melius est; offerendo te pàratum ad omnem crucem et molestiam. 4.<sup>o</sup> Petes à tanto Rege, qui omnia potest, quidquid tibi et aliis, vivis et defunctis, est necessarium.

#### § XI. De postrema parte missae, usque ad finem.

Peracta communione, sequitur gratiarum actio, quae est ultima missae pars, incipiens à versiculo qui *Communio* dicitur, eò quòd olim caneretur, dum populus

communicaret. Sequentes autem orationes, non solùm gratiarum actionem continent, sed etiam postulationem, ut dona accepta in te permaneant, et maius quotidie suum incrementum. Tum dimittitur populus, et dum ille respondet, *Deo gratias, iterum gratias ages Deo.* Ad orationem, *Placeat tibi, rursum offeres sacrificium purissima intentione, et cum omni desiderio triumphantis ac militantis Ecclesiae, prout ipsa verba sonant.* Deinde populo benedicens, uberem à Deo omnibus fidelibus benedictionem, omniumque coelestium gratiarum abundantiam ex animo precaberis, ut nunc in via, postea in patria, sanctissimam Trinitatem omnes glorifificent.

Leyes demum in fine initium Evangelii secundum Ioannem cum reverentia et affectu gratitudinis pro beneficio incarnationis et vocationis ad fidem, et cum desiderio gloriae Dei, ut ab omnibus agnoscat et glorificetur. Sanctus Augustinus, ut gravissimi autores testantur, hoc Evangelium aureis litteris conscribendum, et per omnes ecclesias in loco eminenti proponendum esse dicebat. Idem antiqui christiani tanti faciebant, ut plerique collo appensum ferrent, tanquam alterum christianæ fidei symbolum, ac veluti amuletum contra daemonum vexationes. In prima eius Evangelii parte agnoscetis quantus sit hospes quem sub panis et vini velamine latenter suscepisti, nempe Verbum aeternum, per quod omnia facta sunt, Filius Dei, Patri consubstantialis, hominum lux et vita, per quem et in quo omnes vivunt et illuminantur. Expendede deinde, ne forte ad te pertineant verba quae sequuntur: *Lux in tenebris lucet, et tenebrae eam non comprehendentur.* Sicut enim homini caeco praesens est sol, sed ipse soli absens est; sic homines terreni affectibus veluti tenebris obvoluti, intimam Dei lucem non vident, nec ab ea illuminantur. Haec etiam verba ponderabis: *In mundo erat, et mundus eum non cognovit: in propria venit, et sui eum non receperunt;* ne et haec forsitan in te locum habeant: quod ne contingat, Deum precaberis et timebis. In ultimis denique verbis attendes quod dicitur: *Dedit eis potestatem filios Dei fieri,* et hoc in te adim-

pleri rogabis; et quia Verbum divinum plenum est gratiae et veritatis, ex hac plenitudine ubertim haurire satages quidquid tibi ad salutem et perfectionem est necessarium.

## ARTICULUS III.

*Quid praestare debeat Sacerdos post missae celebrationem.*

Peracta missa aut communione, permagni refert noscere ut illo tempore quo apud nos demoratur Christus, et tanti hospitis praesentia frui. Neque enim tempus, ad negotia salutis agenda, magis opportunum nobis advenire potest, quam cum ipsum penes et intra nos habemus salutis auctorem. «Oportet igitur (ait pius Imitationis Christi auctor<sup>1</sup>) ut non solum praepares te ad devotionem ante Communionem, sed ut etiam te sollicitè conserves in ea post Sacramenti perceptionem; «nec minor custodia post exigitur, quam devota praeparatio prius; nam bona postmodum custodia, optima «iterum est praeparatio ad maiorem gratiam: ex eo «quippe redditur quis valde indispositus, si statim fuerit ad exteriora nimis effusus.»

Ex te ipso disce quid facto sit opus: si quispiam te invitasset, sed domo iam exceptum, mox, quasi taedio consortii tui affectus, te deseretur, ad ludicra et inaniam quaeque sese convertens, nulloque familiari colloquio aut benevolentiae et humanitatis obsequio tecum agere dignatus; nonne illi inurbanitatem istam et contemptum criminis verteres, ac huiusmodi amicum, utpote parum officii sui memorem, designareris? Vide itaque quid de iis dicendum qui, Deo in domum suam recepto, mox illi dorsum obvertunt, et abscedunt, nec curant cum eo paulisper conversari. Quidnam hoc est, nisi tam tantumque vilipendere hospitem, imò illum graviter offendere? maxime cum is sit hospes qui in domum tuam venit, non ut reficiatur à te, sed ipse te reficiat.

<sup>1</sup> Lib. IV, cap. 12.

Quid ergo sic properas? Quid quaeris praeter Deum tuum? Plus ille te docebit, quam omnes libri; plus delectabit, quam omnes amici; plura praestabit commoda, quam omnes mundi artes, honores, opes et scientiae.

1.<sup>o</sup> Cantico igitur trium Puerorum absoluto, quo ad gratias Deo pro tanto beneficio persolvendas, omnes debuisti creaturas invitare ardentissimo affectu et flagrantissimā devotione, cave ab inanibus hominum colloquiis; in locum ab omni strepitu, et distractione remotum te recipe, mane in secreto, ac suavissimo fruere hospite tuo; illum in interius cordis tui cubiculum, et clauso ostio, caeterisque cogitationibus exclusis, illi soli vacare stude, nec ab eo discedas, donec ipse benedixerit tibi: his etenim pretiosissimae horae momentis, larga vel tenuis fieri debet in animam tuam donorum coelestium effusio, pro modulo caritatis, affectuum et desideriorum tuorum, animique tui gratae significationis. Sicuti namque ingratus animus fontem divinae largitatis exsiccat, ita et grata donorum eius memoria torrentem aperit spirituallum benedictionum.

2.<sup>o</sup> Dilata itaque cor tuum, et implebit illud bonorum omnium Largitor; aperi os tuum, et attrahes in te Spiritum Sanctum; prout coelestis illius aura afflaverit, vel audi quid loquatur in te Dominus Deus tuus, vel cum eo tua commiscere colloquia ne formides; non enim habet amaritudinem conversatio illius, nec taedium conflictus illius, sed laetitiam et gaudium<sup>1</sup>.

3.<sup>o</sup> Perfectissimos diversarum virtutum actus elicies, Christum adorabis, non tantum ut in throno gloriae suae residentem in coelis, sed ut intima cordis tui penetralia inhabitantem; omnes animae tuae facultates, omnia corporis tui membra, sensus et organa, summo pietatis affectu illi subiicies, adeo ut in eius honorem et obsequium cedant.

4.<sup>o</sup> Firmā fide credes, et confiteberis tantum hospitem in vili pectoris tui tugurio receptum, et sub exiguis Sacramenti speciebus delitescentem, esse verè Deum et

<sup>1</sup> Sap. viii, 16.

hominem, Deum ab aeterno per omnia Patri aequalem et consubstantialem; hominem in tempore operante supremi Numinis virtute, cuius divinitati et humanitati ea omnia competunt, quae credit et docet Ecclesia.

5.<sup>o</sup> Cùm in ipso omnium bonorum pignus habeas, ipsius meritis omnia, quibus indiges, dona sperabis et gratiae et gloriae, imò et naturae, in quantum ad salutem tibi sunt profutura, certò confusis illum promissis suis non defuturum, modò partes tuas expleveris.

6.<sup>o</sup> Quia verè amor amore compensatur, et ipse infabiliter infinità te prosecutus est caritate, nihil non tentabis, ut eum toto corde, totà mente, totisque viribus diligas; gaudebisque quām maximè quod ipsius dotes et attributa tantae sunt excellentiae, ut nonnisi à seipso possint ex aequo percipi.

7.<sup>o</sup> Infinitam Redemptoris mundi mirare benignitatem, et illam humilitatis abyssum, quā in hoc sanctissimo se abscondit Sacramento, ut sui ipsius omniumque quibus affluit bonorum te faceret comparticipem. Humiliare igitur in conspectu Dei tui, attentis peccatis quibus deliquisti, praesenti teporis, in quo versaris, statu excelsoque virtutum apice ad quem tendere debueras, à quo tamen longo dissides intervallo.

8.<sup>o</sup> In profundo nihili tu demissus, humiliter agnoscere nihil quidquam penes te esse, quo pro tanto beneficio grates Deo persolvas, adeoque tenuitatis et indigentiae tuae tibi ipsi conscient, beatissimam Virginem, sanctos Angelos, et omnes coelites in subsidium adhibe tuae paupertatis, invitando eos ad magnificandum Dominum tecum, et ad exaltandum uno consensu nomen illius.

9.<sup>o</sup> Quoniam verò nec intensissimi omnium colestium religiosi actus eius sunt dignitatis et valoris, ut tantam Dei erga te munificentiam valeant compensare; ipsum Dei et hominum mediatorem Iesum Christum depicare, ut sibi vice tuā et intra te satisfacere dignetur, omnesque acceptet vitae suae labores et angustias, omnia mortis suae opprobria et tormenta, omnem denique gloriae suae celsitudinem et excellentiam, in dignam pro gratia tibi praestita gratulationem.

10.<sup>o</sup> Ad pedes Domini, cum summo doloris et amoris sensu, provolutus, ignosci tibi suppliciter exora, omnes anteactae vitae tuae iniquitates, omnem torporum et negligentiam, omnemque segnitiem et ignaviam, quibus in exequendis muneribus tuis, et in prosecutione virtutum praepediris; quod quidem ut assequaris, tuas cum ipsis meritis consociabis satisfactiones.

11.<sup>o</sup> Peramanter etiam cum ipso conquerere, de quotidianis tuis excessibus, animaque tuae languoribus et miseriis; ingemisce et dole, quod cùm ipse sit qui venerit ignem mittere in terram, nihilque tantoperè velit quām ut accendatur, concretum tamen gelu pectus habeas, et ad ardorem huius splendissimi solis non liquefias. Roga cum ut perlustreret cor tuum et omnia interiora tua, virtusque de eo exeat ad sanandum et vivificandum quidquid morbidum et vitiosum in te repererit.

12.<sup>o</sup> Aperi ei totum cor tuum eā, quae congruit amicum inter et amicum, filium et patrem, confidentiā, cùm ipse horum omnium partes, tūf causā, sustineat. Omnes igitur anxietates tuas et aerumnas, omnes calamitates et angustias, quidquid denique ad salutem tūm animae tūm corporis conferre valet, illi fidenter expones, certò persuasus eum tibi non defuturum, neque enim amare potest et deserere.

13.<sup>o</sup> Cùm eo potissimum fine sanctissimum istud Sacramentum sit institutum, ut omnes qui huius fuerint participes, in Iesum transformatur: *Qui manducat me*, inquit, *et ipse vivet propter me*<sup>1</sup>, per nimiam illam caritatem quā te dilexit, obsecra eum et obtestare, ut omnes virtutes, et omnia, quibus ditatur, spiritualia dona in te transfundat, et fiat invicem perfecta studiorum, consiliariorum, voluntatuumque communio, adeo ut quod vivas, jam non vivas ipse, vivat verò in te Christus.

14.<sup>o</sup> Omnia vitae momenta, sed extremum imprimis spiritum tuum illi commenda, eximiumque istud efflagita perseverantiae donum, quo caetera dona cumu-

<sup>1</sup> Ioann. vi, 58.

lantur, ut moriatur anima tua morte iustorum, et fiant novissima tua illorum similia.

13.<sup>o</sup> Nec verò propriis tuis ita intendendum est comodis, ut et aliorum obliviscaris pro quibus orandum tibi incumbit; sacerdos est plorare inter vestibulum et altare, et pro omnibus quibus gravatur populus necessitatibus Dominum deprecari. Supplex nimirum à Deo deposcet, ut sanctissimam Ecclesiam, omnium fidelium matrem, exaltare et amplificare dignetur; ut ad istius almae matris sinum omnes errantes haereticis schismaticae revocentur; omnesque infideles, in regione umbrae mortis sedentes, illuminentur; Dominum exorabis ut pastores Ecclesiae regat et tueatur; principibus christianis pacem donet et concordiam; peccatoribus veram cordis conversionem et remissionem, iustisque profectum concedat et perseverantem; ut omnes propinquos, benefactores, amicos tuos, imo et adversantes tibi, vel eos qui te aliquando molestia affecerunt, vultu sereno et acceptabili respiciat; omnibusque fidelibus defunctis lucem aeternam et requiem indulgeat.

His vel similibus exercitiis, prout religio tibi suggesterit, peractis, cor tuum et sensus externos omni custodiā conservare satages, crebrisque per diem piis affectibus, ne tanti memoriā beneficij dilabatur, summam Dei erga te dignationem compensare conaberis. Cùm autem ea sit humani ingenii conditio, ut illi pretiosiora quaeque ex usu vilescant et taedium afferant, ne, repetitis semper iisdem actibus, fervor languescat caritatis, subiicientur tibi infra nonnullae meditationes, et variae precandi formulae, quibus huic malo obviare possis.

#### ARTICULUS IV.

*Praxis celebrandi, cùm quis prolixius orare non potest.*

##### § I. De praeparatione.

Quamvis humana negotia divinis functionibus nullo modo aequari, nendum praeferriri debeant; quia tamen sunt aliqui sacerdotes publicis utilitatibus inservientes,

qui necessariis et inevitabilibus occupationibus ita aliquando detinentur, ut prolixius orare nequeant; brevem illis et expeditam proxim proponere necessarium duximus, quā uti possint, cùm celebrare voluerint, ne minus dignè divinum sacrificium offerentes, eius fructibus priventur. Haec autem tria tempora complectitur: id quod missam antecedit, id quo perficitur, et quod proximè subsequitur.

Ante missam praemittenda preparatio duplex, remota et proxima. Pro remota, haec servanda: Vespere praecedenti cogitet se die crastina hostiam salutarem omnipotenti Deo oblatum, eique cogitationi indormiat. Addat brevem aliquem affectum reverentiae, amoris et desiderii. Sequent die in eadem cogitatione et affectu evigilet; caveatque diligenter, ne animus ita se negotiis immergat, et ad externa dilabatur, ut, cùm tempus celebrandi advenerit, ad se revocari et recolligi non possit. Proximè ante sacrum, terrenis omnibus cogitationibus abiectis, omnique seposita rerum agendarum sollicitudine, mentem erigat ad coelestia. Perpendat quā devotione se sentiat ad celebrandum incitari, quo fine moveatur. Conscientiam executiat: et si aliquam ei maculam inesse deprehenderit, sacramentali confessione eluat cum intimo doloris sensu, et firmo proposito emendationis. Tum breve aliud tempus sumat, quo fidem mysterii excitet, caritatem accendat, passionem Domini commemoret, dirigat intentionem, et Dei opem sibi et aliis flagitet. Auxilium quoque beatae Virginis et Sanctorum ferventer et humiliiter implorabit. Horum actuum et affectuum formulas infra describemus quas sibi quisque in brevissimas aspirationes redigere poterit, pro suo captu et devotione.

##### § II. De Celebratione.

Missae celebrationi tres comites adiunget, reverentiam, attentionem et devotionem. Reverentia omnes motus exteriores componit, ut modestè graviterque fiant, praescriptis caeremoniis exactissimè servatis, sumâque

adhibitâ humilitate, quae omnino necessaria est hostiam immaculatam offerenti in conspectu Dei et Angelorum. Attentio mentem coërcet, et iis quae aguntur affigit, ne ad alia defluat et evagetur. Devotio voluntatem inflamat, ne languidè et ex consuetudine sacris operetur, sed cum ingenti fervore, solertia studio Deum placandi et colendi.

Quia verò animus parum tenax recti facilè distrahitur, quibusdam quasi vinculis adstringi debet et in se retineri, qualia sunt suprà proposita, cap. 2, art. 2, § 1, quae, ut ibidem notatum est, brevitatí missae nullum afferunt impedimentum. Sunt etiam aliqui, qui in septem veluti stationes missam partiuntur, ut in singulis congruo excoit affectus, et renovent attentionem. Prima dicitur *contritionis*, quae ante gradus altaris peragitur, ubi sacerdos tanquam reus se summi Iudicis tribunalí corde contrito praesentat et generali confessione noxas expiat. Secunda, *glorificationis*, quae missae introitu, Angelorum cantico, et reliquis usque ad Epistolam continetur. Tertia, *doctrinæ*, sive instructionis, quae Epistolam et Evangelium complectitur, monita scilicet salutis à Prophetis, ab Apostolis, et ab ipso Christo nobis tradita, et cum ingenti reverentia suscipienda. Quarta, *fidei*, quae Symbolo absolvitur. Quinta, *oblationis*, hostiae salutaris: oblationem continens, omniumque fidelium, pro quibus oramus et offerimus, commemorationem. Sexta, *Communionis*, ab illis verbis, *Communicantes*, usque ad postcommunionem, quā sacerdotis animus in sublime erigitur, variisque affectibus ad divinam unionem, quae Communione peragitur, se disponit. Septima, *gratiarum actionis*, à postcommunione usque ad finem. Porrò in singulis stationibus variis affectus excitari possunt, raptim quidem et breviter; sed brevitatē intensio affectū atque ardor devotionis compensabunt.

## § III. De Gratiarum Actione.

Quatuor post missam praestanda sunt, quorum primum et præcipuum est gratiarum actio; secundum, oblatio; tertium, petitio; quartum, propositum dignè coram Deo ambulandi. Gratiarum actio quantò exactius fiet, tantò erit copiosior oblati sacrificii fructus. Sicut enim ingratitudo fontem divinae largitatis exsiccat, ita gratitudo torrentem aperit coelestium benedictionum. Potest autem hic affectus multis et variis modis excitari, quos unctio suggeret, et ingeniosa pietas excogitabit. Hoc unum est, quod à nobis expectat Deus, ut grati simus et memores beneficiorum eius. Sequitur oblatio, quā par pari Deo reddere sacerdos potest, Filium eius unigenitum et consubstantiale ei offerendo. Seipsum quoque offeret Patri et Christo holocaustum acceptabile in odorem suavitatis: et quòd gratior sit oblatio, merita ei addet beatæ Virginis et omnium Sanctorum, ac ipsius Christi, qui est salus, redemptio, et tota fiducia nostra. Quia verò cum Filio omnia nobis Pater donavit, ipsum pro suis et aliorum necessitatibus humiliter et ferventer deprecabitur. Horum actuorum formula in promptu habenda erit, potestque ex his excerpti, quae infra describentur. Tandem concludet efficaci proposito eundi de virtute in virtutem in conspectu Dei, donec ad apicem chistianæ perfectionis perveniat. Amen.

## ADDITAMENTUM DÉ SACRA COMMUNIONE

*in gratiam ministrorum inferiorum, quibus exhibetur eximius modus communicandi cuiusdam Virginis sanctissimæ, editus à Nicolao Sfondrato, episcopo Cremensi, postea papa Gregorio XIV.*

Octavo quoque die communicare soleo, et quaedam ante, quaedam post, quaedam in ipsa communione factito.

*Primò. Ante Communione, me in hunc modum dispono: pridie conscientiam excutio, humiliter confiteor, et doleo ex corde de peccatis totâ hebdomadâ com-*

missis. Poenitentiam à sacerdote iniunctam expleo, ei-que aliam adiungo, ut flagellationem; et dum iejunare non licet, parcius saltem comedo et bibo.

Mane sequenti, diutius solito, mente oro, et tam fer-  
venter quām possum gratiam à Deo peto benē communi-  
candi, simulque ut me talem efficiat qualis esse debet  
qui tantam recipit Maiestatem; cor etiam meum suo di-  
vino amore inflammet, ut eius participatio Sacramen-  
tum in me habeat effectum quem in eorum cordibus  
consequitur qui piè ad illum accedunt.

Deinde considero quām magna res sit in se recipere  
*Christum Domini*; perpendo illum esse quem reveren-  
ter adorant Angeli, quem desiderarunt Prophetae, am-  
rant Apostoli, imitati sunt Martires, uno verbo quem  
omnes Sancti sitierunt et unicè coluerunt.

Hāc cogitatione commotā, studeo animam meam am-  
plius accendere, ex duabus considerationibus, una de  
praestantia et utilitate sanctissimi Sacramenti; altera de  
mea ipsius necessitate et indigentia.

*Secundō.* Dum iamiam communicandum est, quin-  
que perago.

1.<sup>o</sup> Omnes invito Sanctos, et maximè beatam Virgi-  
nem ac dilectos Patronos, ad hoc ut pro me apud Deum  
intercedant; deinde, ut exornent quoque animam meam,  
et comitentur ad sacram mensam.

2.<sup>o</sup> Inspicio meam vilitatem et indignitatem; quām  
plena sum vitiis et imperfectionibus! et deprehendendo  
nihil in me boni esse, totam me adiicio ad pedes divinae  
misericordiae quae compensare potest suā gratiā quid-  
quid mihi deest.

3.<sup>o</sup> Cono elicere plures virtutum actus, fidei prae-  
sertim, spei, caritatis, etc.

4.<sup>o</sup> Aliquando doleo, quòd ad Communionem ve-  
niā tam parūm praeparata. Aliquando Dominum rogo  
ut, nullā habita ratione miseriārū mearū, se in do-  
mum animae meae recipiat. Aliquando miror et obstu-  
pesco, quòd non dedignet apud illam ingredi, que to-  
ties eum abiecit, contempsit, imo causam passionis et  
mortis dedit! Aliquando etiam sic animae meae col-

loquor: *Ecce, anima mea, Dominum Deum tuum! ecce,  
dilectum cordis tui! Quād felix, si eum agnoscas, ames,  
colas, et adducas ne à te velit discedere!*

5.<sup>o</sup> Ei repreaesento omnia peccata mea, et innume-  
ras, quibus obnoxia sum, miserias; ardenter et humili-  
ter eum rogo ut omnia mihi condonet, et demum me  
illi satisfacturam promitto.

*Tertiō.* Peractā communione, recipio me in aliquem  
locum secretum, ut sola cum solo Domino meo qui *sub  
iectum meum* verè et realiter *intrare dignatus est*, ex  
intimo affectu colloquar.

Et 1.<sup>o</sup> offero aeterno Patri sanctissimum Filii sui sa-  
crificium, eique repreaesento quidquid pro me passus  
est, quatenus *respiciendo in faciem Christi sui*, favora-  
bilis me *aspiciat*. Gratias deinde quām possum maxi-  
mas divinas eius Maiestati refero, quòd *sic nos dilexerit*,  
ut Unigenitum suum nobis daret, et pro nostra salute  
traderet.

2.<sup>o</sup> Converto me ad beatam Virginem et Sanctos pa-  
tronos meos, quos enīxè rogo ut dignentur supplere  
quod mea deest gratiarum actioni, et Deum pro me be-  
nedicere.

3.<sup>o</sup> Confugio ad Christum, eique ut medico peritis-  
simō omnes infirmitates meas fiducialiter aperio, quibus  
ut misericorditer mederi velit, et alias mihi concedere  
gratias, quibus me indigere novit, instanter ipsum de-  
precor.

4.<sup>o</sup> *Statuo coram Deo custodire iudicia iustitiae eius;*  
emendare omnia in quibus soleo delinquare, nomina-  
tim singulare aliquod vitium extirpare, et virtutem ali-  
quam mihi magis necessariam inserere, ut semper pro-  
ficiam in melius. *Tum divinam bonitatem ardenter ex-  
oro, ut hoc confirmet quod in me operata est; et quod  
coepit opus bonus, ipsa perficiat et solidet.*

Tandem toto illo die, studiosius cor meum custodio,  
cogitans in eo Dominum, tanquam in suo habitaculo,  
requiescere; unde omni utor modestiā tam in loquendo,  
videndo, ambulando, quām in tota externa conversatio-  
ne. In mentem saepe revoco factam communionem, per

has aut similes aspirationes : *Hodie, Domine, venisti ad me peccatricem; hodie hospitatus es in domo cordis mei; ne discedas ab ea; mane, queso, tecum, quoniam advesperascat*, quoniam appropinquit nos mortis, temptationis, negligentiae, etc. In aliis quoque huius diei orationibus gratias ago pro hac Domini dignatione, ad quam etiam refero omnes alias actiones meas, omnia mea bona opera, ut nempe cedant in gloriam et honorem tanti benefactoris.

## PARS SECUNDA

## CONTINENS

## VARIAS ANTE MISSAM PRAEPARATIONES.

O veneranda sacerdotum dignitas, in quorum manibus Dei Filius, velut in utero Virginis, incarnatur! O felices sacerdotes, si sacerdotaliter vixeritis! O coeleste mysterium, quod per vos, Pater et Filius et Spiritus Sanctus tam mirabiliter operantur, sub tam ineffabili ministerio vestro, quod uno eodemque momento idem Deus qui praesidet in celo, in manibus vestris est in sacrificio! Coelum miratur, horrescit infernus, contremiscit diabolus, reveretur quam plurimum angelica celsitudo. Quid retribuat Domino (ut taceam de caeteris que retrahunt mihi), pro tam singulari dono mihi sacrificii impenso, quod est datum optimum et donum perfectum? O venerabilium sanctitudo manuum! O felix exercitium, ubi tractat Christum sacerdos Dei Filium, cuius deliciae sunt esse cum filiis hominum! O sacerdotes! attendite: maior est dignitas vobis collata, quam Angelis, qui adorant quod vos conficitis, nec ipsi conficerere possunt. O altitudo sapientiae Dei! O ineffabilis clementia Salvatoris! Quod datum non est Angelis, concessum est homini. Sacerdos hoc Sacramentum ineffabile conficit: Angelus conficiens sibi, quasi famulus assistit. O quam venerabile, quam gloriosum, quam insigne fuit apud antiquos nomen sacerdotii! Sed hodie quid abiectius eo, quid vilius! O sacerdotes! Si anima cuiuslibet iusti sedes Dei est, multò magis sedes ac tem-